




Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Zlatan Ibrahimovic PFA Fans' Player of the Month - P4

Contact Numbers pawimav :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawna Thar Vol - 32/86

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

CHANCHIN LAKTAWI

Licensed silai-hai PS-ah sielut dingin

CCPUR: District Magistrate, Churachandpur chun Churachandpur District sunga licensed silai nei hai chu an umna hmuna inthawka Police Station hnei takah an silaihai sielut seng dingin Jan. 4, 2017 khan Order an suo. Hi thupek zui lo le zawm lo hai chu dang anging hrem thei an ni ding a nih.

Churachandpur District sunga hin silai licensed nei mi 2665 neka tam an um nin District Magistrate, CCPur thu-suok chun a hril. Manipur Assembly election hung um ding le inzawma muongna le mipui himna a hung um thei ditna leia hi Order hi insuo nin District Magistrate, CCPur thu-suok chun a hril. Silai licensed nei hai hi tuta inthawka ni 7 sunga peklut ding ti a nih.

Winter Meet an hmgang

CCPUR: YPA Lamka Unit chun zanikhan Public Ground, CCPur hmuna Winter meet an hmgang a, individual item chi tum tum bakah football le volleyball haiha inruolsiekna le insukhlina an nei.

Study Camp

CCPUR: Class X, XI & XII Board Exam-a thang ding Study Camp lut nuom hai ta dingin Pu Alfred L. Pudaite, Rengakai, CCPur Contact No. 9612253265 ah kan chieng thei ning a nih. zanita inthawk khan admission thaw tan thei a ni tah.

GAS NEWS

Agency: SAS
Booking: 31st. Sept. to 31st Oct., 2016
Delivery: 06-01-2017 (FRI)
Time : 8AM- till stock
STOCK : 290
Rate: Rs. 737/-

DEO/CCPur in Election Official information a puong



CCPUR: ECI in Manipur-a Election nei hun ding a puong ta le inzawmin Mr Lunminthang Haokip, IAS, District Election Officer (DEO)/DC, CCPur chun zani zantieng 2:00PM khan tuolsung chanchinbumi hai hmaah official in election nei ding chungthua a puong. First phase Election notification insuo ni ding February 8, 2017 le Nomination paper file thei hun tawpna ta Feb. 15, 2017 a ni a. Sienkhawm State Holiday le an tuok lein Notification Feb. 7, 2017 in insuo ning a ta, Nomination paper file nuom hai ta dingin February 14, 2017 chenin file thei a ni ding thu

DEO/CCPur chun a hril. Feb. 16, 2017 in Scrutiny um a ta, Feb. 18, 2017 chen inhnukdawk nuom hai inhnukdawk thei an ta, March 4, 2017 in first phase vote thlakna um a tih.

Phase hnina dinga Notification chu Feb. 11, 2017 in insuo ding le Nomination Feb. 18, 2017 chen file thei ning a ta, Feb. 20, 2017 in Scrutiny um a ta, Feb. 22, 2017 chen inhnukdawk nuom hai ta dinga inhnukdawk thei le March 8, 2017 in vote thlakna (election) nei ning a ta, March 11, 2017 in vote thla hai tiem tan ning a ta, Election thil popo March 15, 2017 chenin zo vawng ning a tih.

Director, DIPR a hung inzin



CCPUR: Meghachandra Kongbam, Director, DIPR chu zanikhan Churachandpur-ah a hung inzin a, District Information Officer (DIO), CCPur le Press Club hai a sir. DIO, CCPur ah tuolsung nitin Chanchinbu Editor-hai le

DIO, CCPur staff-hai leh inpawlina an nei a, hi zo hin sunbu faktlangna an nei. Press Club mamaw chi tum tum hai chu an hmatienga hung pek a ni theina dinga hma a hung lak ding thu Director, DIPR hin a hril.

Manipur Assembly Election ding le inzawmin State Level MC & MC meeting hmasatak nei a nih

IMPHAL: 11th Manipur Legislative Assembly Election nei ding le inzawmin zani zantieng 3:00PM khan Vivek Kumar Devangan, Chief Electoral Officer (CEO), Manipur inrawinain Old Secretariat Conference Hall, Imphal-ah State Level Media Certification and Monitoring Committee (MC & MC) meeting hmasatak nei a nih.



Hi meeting a hin Ravindra Kumar, Member Press Council of India; Dr N. Johnshon, Joint Director, IPR le State Nodal Officer N. Krishnakumar Singh hai an thang. Hi hun a hin ECI guidelines in hrilhrietna dingin Workshop nei ding; Workshop-ah Political parties le Manipur a Editor-hai thang dinga fiel ding ti le MC & MC Meeting nawk chu January 20, 2017 a nei

ding thai an rel. MC & MC meeting hmasatak nei hma 10:30AM khan CEO, Manipur chun Manipur-a Political Parties hran hran palaihai (recognised le unrecognised) meeting a neipui a, Election le inzawma an hriet ding ECI guidelines chipchier

takin a hril tawl. Manipur a chun candidate pakhat sum hmang theizat ding Rs. 20 lakh a ni thu le candidates han additional affidavits an peklut sa ding chungthu hai CEO hin a hrilang sa. CEO, Manipur in zanita Press Note an suo dungzui- in Election le inzawma thil

(Tamenglong); 3871222100 (Senapati); 03870265098 /9485249243/873009089 0 (Ukhrul); 9862477266 (Chandel); 3874235615 (Churachandpur) le 9862108275/7005705260 (Jiribam) hai an nih. Chun, thu chieng lem www.ceo-manipur.nic.in ah download thei le Toll Free No. 1950 haiha biekwap thei ning a tih.

Motor hmang thei dang ding chu, Candidate pakhatin motor 1, a election agent in motor 1 le a worker/party worker in motor 1 a ni ding ti a nih.

11th Manipur Assembly Election hun a hmang Electronic Voting Machines (EVMs) haia chun Candidates hai hmang chau inchuon lovin an hmang zawnan an thlak khawm inchuonsa a ni ding a nih.

Prof. Gangmumei Kamei a thi

IMPHAL: Academician le Politician Prof. Gangmumei Kamei chu zani zing dar 8:15 vel khan kuyam 76 mi nin Majorkhul, Imphal-a a chengna hmuna a thi a, vawisun hin a piengna khuo Nangshingkhul-ah a ruong vuiliem ning a tih.



Manipur Chief Minister O.Ibobi Singh chun zani zingkar khan Majorkhul hmuna Prof. Gangmumei Kamei chengnain-ah fein a sung le kuo hai lusunna a tuorpuu thi hriin an lusunna a va hnem. Union Minister for DoNER Dr Jitendra Singh khawmin NEC member a nina angin Prof. Gangmumei Kamei hi a sun thu le a sung hai a sunpui thu a puong. Dr Jitendra Singh thangin Union Minister pahni vawisun hin an hung el thei niin ei thu dawngna chun a hril.

Prof. Gangmumei Kamei hi term 2 lai MLAA thlangting a ni a, W. Nipamacha CM hun a khan Forest & Environment Minister a chel a, Manipur Outer Lok Sabha Election a khawm a ngir a, sienkhawm a tlingzo nawh. Federal Party of Manipur Founder Presi-

dent a lo ni takah kum 2012 khan BJP a zawm. Indian Council for Historical Research (ICHR) member le Regional Planning Body, North Eastern Council member a ni bawk. BJP Manpur chun an sun thu an puong.

Your Leaders Want to Share program hmgang

CCPUR: Zani sun dar 9:00 a inthawk khan KIC Office, Tuibong, CCPur hmuna Society for Fast Justice (SFJ), CCPur huoihawtnain "Your Leaders Want to Share the Visions & Dreams they have for you for Free and Fair Election" ti programme hmgang a nih. Hi hun a hin 11th Manipur Assembly Election hung um dinga Intending candidates 4- CT Lian Guite, 58 Churachandpur Assembly Constituency; Tinkhonei, 57 Henglep Assembly Constituency; Mangcha Thangjome, 57 Henglep Assembly Constituency le Dr. N. Thangton, 58 Churachandpur Assembly Constituency hai an thang. Panel



members in Thangkhojang, President, KIC, June Rose Vaiphei, H. Thumason, Ex-President, PTC GHQ, Thangkhoisei, President, KIM, Elder Dr. LS Gange, Elder J. Lhungdim le Daniel Nehlulal, Advocate hai an thang. Society for Fast Justice,

CCPUR chun Candidates hai sukel le Nomination paper file zo hun a candidate hai ta dingin Open Debate Live Telecast la buotsai nawk an tum niin an hril. Hi hun a hin Intending candidates hai chun an thiltum le hmahlir hai puonglangna an nei tawl.

Posters le Flags ziekrang hai lakthlak le thaibo

CCPUR: Election Commission of India (ECI) in Manipur thangsaa India rama states 5 haia Assembly Election nei hun ding a puong le inzawma Model Code of Conduct hmgang nhal a ni ta lein January 5, 2017 khan Rakesh Balwal, IPS, SP Churachandpur inrawinain Police team chun CCPur khawpui sunga Political party tum tum han Posters, Flags le thil dang dang an tar hai la thlain an inthielfai a, bang-



a thil an ziek hai khawm spray hmganga nuobo an nih. Model Code of Conduct dungzuiin mimal hmun le In haiah a neitu phalna le

remtina thang lovin Campaign Poster, Flag le a dang dang tar phal lo a ni leia hieng thil hi thaw a ni a, Party office hmun haia ruok chu taw an ni nawh.

Hmar Artiste Senior Concert Nei

CCPUR: Hmar Artistes Association (HAA) GHQ hmalakna in zani zan dar 6:30 PM khan Rengkai Bazar, Rengkai, CCPur ah Hmar Artistes Senior Concert nei a nih. Stage mawi taka siemin Rengkai vengpui lai chu mipui pungkawmna a hmang niin, mipui thahnem taw tak an fekhawm.



Hi hun a hin Chief Guest Upa Lal dawnlien Varte in thuhriina a neina a chun, ramsung faina dinga mipui hai an pawimaw zie thu a hril a. Khawvvela mihriem hai ei hriselna ding chun, sawrkar hmalakna chun ngahk lovin, mitinin khaw-

sung sukfaina le sanitation thawna digin mawphurna ei nei thu a hril.

Hmar Artistes hai in mipui fekhawm hai rimawin an in-awi zing a, sound system haw man le

organiser hai thangpuina ding thawlawm dawl ani a, mipui haiin an ngam taw seng an thaw khawm a nih. Hi concert hi Hmar hlasakthiem hai suklarna dinga buotsai a nih.

Upa Boris Ramnghakmawin hun a keihruoi a, Tv. Lalsanglien Zote in welcome address hriina neim, chief guest le Pu Lalvullien Hmar, President HAA GHQ haiin speech an nei a, Tv. Lalzarlien Zote in hun khar tawngtaina a nei. Hi hun a Hmar Artistes rimawia mi in-awitu hai chu Pi Vanlalhriet, Pu Zaituokung, Tv. Lalzarlien Zote, Pu Lalthangkung-Kanghling Father, Tv. Lalsanglien Zote, Pu Lien Shakum, Nk. Mary Jone, Tv. SP Zote, Pi Nienglawmkim Sungte, Muan Hangzo, Pu Ramhluolien le Tv. Boris Ramnghakmawin hai an nih.

Drugs Addict le mi um tha lo 10 man

IMPHAL: Zani zing dar 9:30 a inthawk khan Kabow Leikai, Imphal West District-ah Police han dappui an thaw a, drugs addict le mi um tha lo 10 an man. Mi 10 an man hai lai hin nuhmei 2 an thangsaa, Imphal Police Station-a peklut an nih.

Jan. 8-10 sung RIMS hawng ding

IMPHAL: General Holiday nisenkhawm mipui hmakhuo ngaina lein Jan. 8-10, 2017 inkar sung khawm RIMS Hospital le Dental College hai chu hawng ning a tih tiin Dr M. Amuba Singh, Medical Superintendent, RIMS chun a hril. RIMS Hospital a staff-hai chu ni dang ang bawka kai le an sin thaw seng dingin Dr M. Amuba Singh chun ngenna a siem.

Opposition thuoitu 8 haiin Mar 8 hnunga budget phar dingin EC ngen

NEW DELHI: Zanikhan opposition party hran hran a thuoitu 8 haiin Election Commission inhmupuina neiin, budget thar chu March 8, 2017 hnunga pharna nei chau dingin an ngen. Opposition thuoitu hai chu Congress, JD (U) le TMC haia inthawk niin, Assembly election nei hmaa budget

phar chu a remchangnaw thu an hril a, polls tawpna March 8 hnunga phar chau dingin an ngen a nih. Senior congress thuoitu Ghulam Nabi Azad in media hai kuoma thuhriina a neina ah, budget chun mi ngaituona a phur lein, election hmaa suklang ani chun, 'free and fair' elec-

tion nei thei ani naw ding thu a hril a. Azad chun EC kuomah budget chu BJP in an hmang tangkai ding thu hriin, Assembly election neina ding state haia voters hai budget hmangin an hne thei ding thu a hril a nih.

Delhi Chief Minister le AAP thuoitu Arvind Kejriwal khawmin election hmaa

budget phar chu lampui ani naw thu a lo hril tah a. Opposition thuoitu thenkhatin President Pranab Mukherjee hi chungthuah lekha an lo thawn ta bawk. President lekha an thawnna a chun, budget pharna chun election boruok a suksiet thei lein, February 1, 2017 a sawn hla dingin an ngen a nih.

CHANCHINBU SEMTU DING DIT

Lamka area sung le hmun thenkhata Hmasawna Thar semtu ding dit a nih. Inhnikna nei hai chun Editor & Publisher, Hmasawna Thar Daily kuomah ngaiven ding a nih.

VAWISUN THUPUI

Chuleiin Krista leiin hratanawnaahai, sietnaahai, hnengdenaahai, suknaawmatnaahai, hnawchepnaahai, ka lawm hlak a nih; ka hratanaw po leh ka hrat hlak a nih. -2 Korinth 12:10

Editorial

President Rule titthawngna a bo tah

Manipur thangsain States 5 haia Assembly Election nei hun ding chu Election Commission of India (ECI) in a puong ta leiin Manipur mipuihai ta ding chun President Rule puong ding titthawngna a bo ta a, mitin election hmasuon dingin ei insinga tawl ta a nih. President Rule puong ding dit naw le inlawa New Delhi inzin CM team khawm zanikhan New Delhi a inthawk Imphal an hunglung tawl nawk tah. Tuhin chu Political party tum tum hai buoipui tak ding chu party ticket a hung ni tah. Party ticket sem le pek dan thu hin umzie a nei ding a ni leiin party tin hai an fimkhur hle ring a um. Manipur Assembly election hung um dinga hin BJP le Congress party ticket hai a hlu zuol bik ding niin an lang. Election huna khawm an khingtuole an beituu ding tak hi BJP le Congress party ma an hung ni ding a nih.

Centre-ah BJP in sawrkarna an chel lai a ni leiin tuta tuma Assembly election a hin BJP ticket a ngir nuom an tam a, party ticket sem le pek thuah chun BJP hi an buoi tak ring a um. A dawttu chu Congress an ni ngei ring a um. Party ticket sem lepekna thua hin thaw suol pal thil um thei a ni leiin party lukhaituhai chu an lu an hai hle ring a um. Party ticket sem dana hin hrata pha thei le hratanaw pha theina a um ding niin an lang.

PM Modi dit dan chun party candidate dinghai hi mi upa tieng nekin kum la tam lo hai an ni a. Hi lei hin BJP a lut senior politician-hai party ticket pek an ninaw chun BJP hi suoksanin party dangah an inchawm lut nawk tawl el thei a nih. Election hlak chu an lo hma a ni leiin ticket an hmuna party-ah an lo insawn nawk a ni khawma dem el thei chu ni bik naw nihai. BJP le Congress party ticket chang lo hai chun party dang an bel a tul a, hi hi politics dan le election huna thil tung tawng hlak a nih.

States 5 haia Assembly election hung um dinga hin India sawrkar demonetisation policy in ngahawng a nei ring a ni a. BJP in an thatpui am an sietpui am ti chu states 5 haia election result puongzoah hriet theiin a hung um ding a nih. BJP ti lo political party tum tum hai chun sawrkar thlungpui demonetisation policy vote campaign hlaah an hmang tawl ngei ring a um. Manipur a chun Demonetisation policy chau ni loin District thar 7 siemna, economic blockade, ILPS, ST demand le Anti-Tribal Bills chungthu han ngahawng a hung nei seng ring a um. Vote campaign-na hlaa khawm hmang a hung ni ngei ring a um.

Party ticket chungchang sukfel a ni hnunga mipuihai ngaiven le ngaipawimaw nawk ding chu Political party tum tum hai election manifestotah a hung ni nawk ding a nih. Hi lei hin Political party tum tum hai election manifesto hi hriet kar ngakhla um takel a nih. Vote neitu mipuihai khawma election manifesto hi ei ngaipawimaw le election zo hnung chena ei bawzui a tul a nih. Election Manifesto hin ngaisak le bawzui a hlaw ngai naw leiin hlawtingna changa sawrkar hung siemtu Political party han an election manifesto hi an hung namnul nawk hlak niin an lang.

Election le inzawma Manipur boruok inleng vel dan ei hang en a, election boruok chu a hot hle ding niin an lang. Zani khawm khan Thoubal District a Heirok Assembly Constituency a Ukhongshang Mayai Leikai-a chun MPP President N. Sovakiran le BJP Candidate ni tum Th. Radheshyam worker-hai inkarah inbeituona (pre-poll clash) a suok ngahal a nih. Hieng neka buoina lien lem khawm hi a la hung suok pei ding niin an lang. Hi lei hin ei election boruok hung fe pei dan ding hi hawphur a um ang reng khawpel. Buoina siem zawng nekin election ralmuong, thienghlim le zalen taka ei nei theina dingin hma la seng inla nuom a um hle.

Patna-ah IPS officer a insal man

PATNA: Prime Minister Narendra Modi in Patna a Prakash Parva hmang dinga a fena lampua IPS officer nia insala police hai inrawitu man a nih.

Patna SP Manu Maharaj in Miral chu lungril buoi ni dinga a ring thu a hril a. PM in Gandhi Maidan ah Prakash Parva hmang dinga a hung ding a ni. Manu Maharaj in Miral chu lungril buoi ni dinga a ring thu a hril a. PM in Gandhi Maidan ah Prakash Parva hmang dinga a hung ding a ni.

Mayank Miral chu civil dress a inthuum niin, 2015 batch IPS officer anga inhril a ni a. Police haiin

an hmehriet naw leiin, a ID Card an hni a, Miral chun an entir thei naw leiin Shastri Nagar police station a thuoai a nih.

Patna SP Manu Maharaj in Miral chu lungril buoi ni dinga a ring thu a hril a. PM in Gandhi Maidan ah Prakash Parva hmang dinga a hung ding a ni. Manu Maharaj in Miral chu lungril buoi ni dinga a ring thu a hril a. PM in Gandhi Maidan ah Prakash Parva hmang dinga a hung ding a ni.

Editorial Board Lalmalsawm Sellate: Editor & Publisher Roding L. Sellate: Jt. Editor Ramditum @ Rama Ralsun: Asst. Editor Lalsansuok Pulamte & Samuel Zothanglien@SZ Zote: Sports Joseph Joute: Freelance Lalruotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Hmar History-ah Thingchom Khuo Chul Ngai Naw Nih!

By Timothy Z. Zote,

Editor, Manmasi Year Book & Manmasi Digest

Thingchom ti khaw hming put, Tuithaphai, Churachandpur, Manipur, India Hmar tienga um, Tuithaphai vadung (Khuga River) inlar em em siera um ni 12th December, 2016 nia ropui taka Platinum Jubilee hmang khuo hi, mi tam tak ngaiah chien le ngainepum tak angin inlar sien khawm Hmar History ah chul ni a nei ring a um ta nawh.

Thingchom khaw sunga cheng hai hi, khaw inthurool le roinrelnah fel taka inkeihruoi niin an inlang. A ram thlang hi a tha a, inhmun ding tamtak a la um a, in zanga khawm inthawl hana um theina ding, hmun le hmang an nei a, ram thing le reserve khawm lien tak an la nei a nih. A boruok khawm a tha a, thlasika ruok chu, a dei hle a, zing nisa a hmu in taka, amiruokchu, tlak deng a ni thung. Zan le zingkar a dei inthieng hle bawk a nih.

Tuithaphai kama um a ni lei hin, thal le furah Tuithaphai vadungah hmeruo - nga, chengkaw, ai, kaikuong le chengkeriem an zawngna le manna hmun a ni hlak a. Chuleiin, tui inhlieu lem chu an thiem tlangpui.

Mak takin, Date 08-05-2004 ni kham Nk. Grace Ramngaium d/o Lalhmun, SSB chu a ruol hai leh chengkeriem an zawng lai, a ruolhai tuitla chu a sansuoknaah a changsuol pal lein, a hringna hlutak chu, a ruolhai damna dingin a lo I, nhlah. Hi le inzawm hin thu ka dawng angin a hmun ngeiah ka tlan tung nghal a. Khawsung thuoitu Val-upa hai le mi pawimawhai chanchin kan dawn hnung chun, a ruolhai tuita asannaah changsuol leia thi a ni dan an hril. Chu phing chun, ka lungril a them ta em em a. Grace Ramngaium hi ruolhai ta dinga hringna inlah a nina, ngaisangum a nina hi thang tharhai lai le Hmar History-a hluolul dinga phu hliei hliei-in ka hriet a, chuleiin, chul lo dinga sie ta ka nuom leiin, Manmasi Year Book, Vol. I, Issue 2005, page 166-naah chun hieng a hnuoi ang hin thusan ziekin ka la inchuon hiel tah a nih. Nk. Grace Ramngaium d/o Lalhmun, SSB (11.04. 1988 - 08-05-2004)

I tlawngaina le nun hiel, I lenruolhai hringna sannaah inlah hi, I lenruol Manmasi- Hmar hraichawi lanu haiin, Thang la thar peihai ta dinga entawntlak le, Ngaisang hlaw zing i tih. I tak ngeia hring nun ngei a, Sukthartu le i sukdiina hi inpak i um hle. I sakruong piellei daiah run lo rem ta sien khawm. I sakming chuoi ni um naw nih. Manmasi Hmar zalenghai lai hin"

A chunga Nk. Grace Ramngaium in ruolhai ta dinga hringna an hlan hi hmangaina tawpkhaw, hmangaina ringnum, ruol hmangaina tawp khaw, tlawmngaina tawpkhaw a ni a. Hi a nunna chan lei hin mi lungrilah sin a thaw a, a hre phak ta phawt chun an ngaisang a, ngaiven a hlaw a nih. Hieng ang Nk. Ngaisangum tak a chengna le a khuo Thingchom khuo-in Platinum Jubilee tung theia a um hi lawm a um em em le inruol hin Thingchom khuo hi Manmasi Hmar History-ah chul ni a nei ring a um ta nawh. Khaw hming le History-a um le inchik hai hi, thil tam tak lei ni lovin, thil pakhat danglam tak, mak tak le dangdai tak a tung, um leia History-a hming inlang an ni hlak a nih. Chuong ang chun, Thingchom khuo mi hriet rak lo kha - Nk. Grace Ramngaium, Lal, le khawtlung thuoitu, mipui hai zar le Pathien zara khaw inlar le hriet hlaw niin an lang bawk a nih.

Thingchom khuo sukming thangu pakhat nawk chu, date 1 August, 1995 ni a, Tirkko Thangkhanlam Samte, biel fanga Langza fe dinga Bus-a a chuonglai Meitei Helpawl, pawl khatin an lo Lambun (Ambush)-a nina kha a ni a. An tum tak

chu Bus driver niin hril a ni a, sien khawm ama kap fuk pal a ni lem hlau a nih. Ama Thangkhanlam hi, Khawvel ngaiah vanguardoi anga inlang nisien khawm Pathien mi hai (kristien) hai ta ding chun mi vangnei, mi huoiisen, Martyrs le lawmman insang tak la dawng dinga thlang ni ngei a tih. A ruong khawm Thingchom khuoah ropui tak le inlam taka vuoi liem a lo ni ta a. Hieng ang Pathien mi ha'n Martyrs chang hiela an nun an lo inpekna zar pei khawm hi a ni el thei, Thingchom khuo hin malsawma a dawng pei hi. Chun, Tuithaphai biela khuo um lai chu an lar pawl tak a ni ta a. Chun, hi ka zieklanga lo mi bik le chanchin tam tak zieking an um a, a sei inlaw a um lein, ka zieking tawi ta lem a nih.

"A sakming Thingchom, A sungah, rethei, hausa, pasie le neinung Hlim taka khuoi ang kaina, Vul pei ding le lawi ang inthang sien, Ditsakna ziekin kan hlan maw! maw! a nih" tiin.

(Hi article dangdai tak ziektu Pu Timothy Z. Zote hi Journalist hming thang le hlawtlung tak, Manipura record kai hiel ve ve- Manmasi Year Book le Manmasi Digest, Editor sin thaw lai mek a nih a. Inchlussa tieng chu, MA, Post Graduate Journalism & Mass Communication, (PGJMC), Certificate in Human Right cheng lo zo ta a nih a. Social tiengah Manipur state record siem phak hiel khawpa social activist niin convener, le Chairman, Saikot Sub Division Demand Committee niin Saikot Sub Division khawm a mahmalakna zar, mipui le Pathien zar lieu lieua nei thei chu ei nih. Inpak a um takzet, a sin thawna le mipui ta dinga an pekzona hi mipuiin hre zingin theinghil ngai nawng ei tiu. Tuhin, Japan Camp Approach Road, Vengtang, Saikot -795117, Tuithaphai, Churachandpur, Manipur, India ah a nuhmei Priscilla Vanrammawi, Jt. Editor, Manmasi Digest le an nau hai Miss Manmasi Rebecca Lalramsiem Zote le Mr. Manmasi Jonathan Zosanglien Zote hai leh an sungin an khawsa mek a nih. -Editor, Thingchom, Platinum Jubilee Souvenir)

ANNEXURE-I LIST OF GENERAL HOLIDAYS- 2017 FOR CHURACHANDPUR DISTRICT

Table with 5 columns: Sl. No, Name of Festival, No. of Day, Gregorian Calendar, Days. Lists 23 general holidays including Imoinu Iratpa/Death Anniversary of Maharaja Gambhir Singh, Republic Day, and various religious and national days.

FESTIVAL FALLING ON SUNDAY

Table with 3 columns: Festival Name, Date, Day. Lists 6 festivals falling on Sunday: New Years' Day, Yaoshang (Doljatra), Khongjam Day, Kang (Rathajatra), Patriot's Day, Gaan-Ngai.

Wish you a very Happy New Year, 2017 Note: *Asterisk are subject to approval of the Govt.

ANNEXURE-II LIST OF RESTRICTED HOLIDAYS FOR 2017 FOR GOVT. OF MANIPUR

Table with 5 columns: Sl. No, Name of Festival, No. of Day, Gregorian Calendar, Days. Lists 24 restricted holidays for the Government of Manipur, including Netaji Subhaschandra Bose Birth Day, Sarswati Puja, and various religious festivals.

FESTIVAL FALLING ON 2ND SATURDAY, SUNDAY AND HOLIDAYS

Table with 3 columns: Festival Name, Date, Day. Lists 9 festivals falling on 2nd Saturday, Sunday, or holidays: Uttarayan Sankranti, Baruni, Mahavir Jayanti, Heikru Hidongba, Kwak Jatra (Dussehra), Muharram, Mera Wauyungba, Christmas Eve, New Year's Eve.

N.B. Not more than 3 (three) Restricted Holidays can be availed of by a Government Employees in a Calendar Year.

Employment News

- 1. Coal India Limited (CIL) hnuoi ah Management Trainee post tum tum 1319 a ruok. Post ruok hai chu a hnuoi ang hi a nih. 1. Mining : 191 Posts 2. Electrical : 198 Posts 3. Mechanical : 196 Posts 4. Civil : 100 Post 5. Chemical/ Mechanical (Coal Preparation) : 04 Posts 6. Electronics & Telecommunication : 08 Posts 7. Industrial Engineering : 12 Posts 8. Environment : 25 Posts 9. System/IT : 20 Posts 10. Geology : 76 Posts 11. Material Management : 44 Posts 12. Finance & Accounts : 257 Posts 13. Personnel & HR : 134 Posts 14. Sales & Marketing : 21 Posts 15. Rajbhasha : 07 Posts 16. Community Development : 03 Posts 17. Public Relation : 03 Posts 18. Legal : 20 Posts

Medals indai naw leia bazara inchawk

NEW DELHI: Indian Army hai chun medal an mamaw taw an dawng naw lein, indona hmuna um le hmun hran hrana sipai hai chun bazar-ah medal an inchawk el nia hril a nih. Sipai hai chu huoiisena le sinthawna a ringum lei le, military careers chihran hrana an thaw that leia medals pek hlak an nih. Army official thusuokin

Global software giants chu India a inthawk suok vat tang a tih: Google CEO Pichai

KHARAGPUR: Google CEO Sundar Pichai chun inringzo takin India a inthawk global software companies lien tak el a suok vat ta ding thu a hril. Pichai chun, kum 5 a inthawka kum 10 sunga dinga riruong siem ani thu le, India a inthawk khawvel pum huopa sawr ding software companies a suok ding thu huoiisen takin IIT-Kharagpur a student hai le inlawna an nei hunah a hril. Pichai chu IIT-Kharagpur a Metallurgical Engineering graduate a nih a. Digital front a India in China a phak theina dinga chun thiltum sukdanglam met a tul thu a hril. India chu khawvel pum huopa digital economy player ani ding thu hrilin, rambung dang hai le inel thei ngirhmuna



theina dinga tawng tam tak inthangtir dinga hma lak zing ani thu le, smartphone man tlawm lem hai a thlang lem thu hril sa in, thil man hai suktlawm pei a la ni ding thu a hril a nih. India chu digital market tieng hma a sawn hrat zie thu a hril a. Chuong lai zing, companies hran hran haiin MNC le companies lien tak tak hai elna lungril neia, ngaituona sukleng dingin a fiel a nih. India companies haiin an indawrupi hai ang hua khaw thilir sukzau a pawimaw zie hrilin, Vietnam, Indonesia le Thailand hai changkang tak an ni lein, anni hai dawr ding chun, an ngirhmun fel taka hriet a pawimaw thu Pichai chun a hril.

Bruce Springsteen-in Trump Ringzo Lo

LOS ANGELES: Hlasakthiem inlar le music khawvela chu 'lalpa' ti ve hiela ko Bruce Springsteen chun US President thar ding Donald Trump chu office hluoa America President ni ding chun "ringzo a um tawk nawh" tiin a hril. Hi thu hi WTF podcast ah Marc Maron le interview an neina huna a hril a nih. Thu ramtin an indawnaa chun, President Donald Trump chu "President dinga ting taw lo" nia a hriet thu a hril a. "A ni dan taka chuh, 'hieng sin ropuitak thaw ding hin anni ang hih an fit am'?" ti titthawngna hi a nih. An mimal ngaidan thua an ngirna chu thuhran nisienla, hieng ang sin ropui le mawphurna insang chel ding hin an ting taw am? ti hi a nih" tiin President Trump-in a ting taw a ring naw thu a hril. Kha hma deuh khan Rosie O'Donnell khawma Donald Trump chu "lungril del to" (Mentally unstable) tiin a lo hril tah bawk. Democrat langsar taka tantu Bruce

Springsteen hin November election-a khawm khan Hillary Clinton ta dinga nasatakin vote a lo campaign tah a. Election lai khan Donald Trump chu "ei Democracy ta dinga titthawngum, lungthawng thlak" tiin a lo hril tah bawk. Ama chun Republican hai hi working class hai ta dinga mi tum an nih, abikin economy inthlak zung zung le cultural diversity tamna le ISIS hung hrat peina khawvela dingin" tiin a hril bawk. Kum 67-a upa Bruce chun, "Ni dang chu election reng hie a tirdakin a ngaisak ngai nawh, tuta tum chu 'hieng ang reng ranga titthawngna' hi ka la nei ngai nawh" tiin a hril. "Ei ram hi ei hmehriet ngai lo thilin a hung sukdanglam pei a, ngaidan tumtak takin khawtlung nun panggai tak a chim buoi pei a, ei intang mek pei a. Hieng thilhai (radical opinion) hi tum an nih, office hman la kai lo a na..." tiin, office a kai hma hmuna hieng hih a nih chun office a kai pha lem chuh ingtinam a hung um ding ti zawnain a hril bawk.

CHANCHIN LAKTAWI

Vuongna passenger Rs. 6 lakh leh man

BHUBANESWAR: CISF personnel hai chun zani zingkar khan Indigo flight-a Vizag a inthawka hung vuong passenger pakhat chu Biju Patnaik International Airport (BPIA) hmuna India pawisa note hlui le thar Rs. 6 lakh leh an man a, Income Tax official han thu indawna nei dingin an hrentang. Man le hrentanga um pa hi Andhra Pradesh mi niin fish farming le aquaculture training tiengpan-ga sin thaw nia hril a nih. A kuta inthawka pawisa note man hai lai hin Rs. 500 le Rs. 2000 notes thar bakah Rs. 1000 notes hlui a thang. Pawisa hmuna le hmangna ding chieng taka a hril theinaw leia hrentang a nih.

Sai helin pasal pakhat a sir hlum

KOCHI: Zani hmasa zan dar 9 vel khan Thattekkad bird sanctuary bul lai dan lova sapeltu (poachers) mi 4 hai chu Sai helin an bei a, pasal pakhat an sir hlum a, pakhat dang na takin an sukhlum. Sai in a sir hlum hming chu Tony (26) a ni a, hliemna tuok chu Basil (30) niin Aluva hmuna private hospital-ah enkawl mek a nih. An ruol dang mi pahni SAJith le Anish han hi thil tunga thi le hliem sung le kuo hai chanchin an hril hnung-a hi thil tunga hi hriet a hung um a nih.

Nuhmei SP leader a ringa at hlum

KANPUR: Utar Pradesh a chun ram chungthua insukbuoina le inzawmin nuhmei Samajwadi Party (SP) leader Radha Devi (55) chu a ringah chema at hlum a nih. Ms Radha Devi hi In pana an lawi huna zani hmasa zana kha hi thil hi a tuok niin Circle Officer, Babupurwa Police station Ramesh Dubey chun a hril. Ms Devi sungai chun hi tuolthanaa hin unau pasal pahni Akhilesh le Sandeep hai an inrawl niin an intum a, ram incubuoina leia hi thil hi an thaw a nih tia intumin Police ah complaint an peklut lein Police chun intuma um mi pahni hai hi thu indawn dingin an hrentang.

Rockefeller Foundation President dingin Rajiv J Shah

NEW YORK: USAID chief hlui Indian-American Rajiv J. Shah chu America rama Philanthropies lien le inlar tak Rockefeller Foundation president dinga ruot a nih. Rajiv J. Shah hin kum 12 sung hi pawl president lo chel tah Judith Rodin a thlaktheng ding a nih. Rajiv J. Shah hi Indian-American hi foundation president dinga ruot hmasa tak le naupang tak a nih. Rockefeller Foundation hin a tiangpuiin kumtin USD 200 million vel charity-a dingin an peksuok hlak a, America rama charitable foundation thilthaw thei tak an ni bawk a nih.

IMPHAL/STATE NEWS

Pasal pakhat kap hliem

IMPHAL: Zani zan dar 6:10 vel khan Tengenoual Police station huop sunga Maringphai village a chun tut i hrielo han pasal pakhat chu a ke changtiengpan an kap hliem lein Hospital panpui a nih tiin ei thu dawngna chun a hril. Kap hliema um hi D. Stephen Maring (48) s/o (L) Merungkhram of Tengenoual District, Machi Sub-Division sunga Langol village mi niin ei thu dawngna chun a hril a. Hi thil tung le inzawm hin Kakching SDPO Th. Deshorjit bakah Pallel Police Station OC Surs Anthony hai inrawinain Police team chu hi thil tungna hmuna fein thil umdan an va enfel. (Huikhi)

Zu tam tak an man

IMPHAL: 11th Manipur Assembly Election hung um ding le inzawma Election Model Code of conduct hmang tan nghal a ni a. Hi le inzawma election zalen le thienghlim taka nei a ni theina dingin Police department chun Zu zawr le phurlawna khau takin an enkaik tan mek a. Zanikhan Singjamei Police Station OC Ingocha inrawinain mi hran hran haia inthawk zu thahnemtaw tak dapdawkin an man. Sugnu Police le a dang dang hai khawmin hmun hran hran hai dapna sin an thaw.



Hieng laizing hin Yangangpokpi Lamjing Nupi Lup pawl chun zani zingkar khan tuolsung zu le foreing liquors thahnemtaw tak an man a, mipui hmuni an suksiet vawng.

CBI-in Sudip le Tapas Paul thu an indawn

BUBHANESWAR: Rs. 17,000 crore Rose valley chit fund scam le inzawma man Trinamool Congress MPs Sudip Bandopadhyay le Tapas Paul hai chu CBI in a ruola thu indawna an nei. CBI in TMC MP pahni hai chu Bhubaneswar a an hrentang niin, Rose valley thubuoia inrawlna nei hai chu anni pahnia inthawk hriet suok vawng an inring a nih.

AIR report in a tarlang danin, CBI chun Rose valley sinthawna a an thahrui tak hriet an tum tak niin a hril a. Rose Valley company boss Gautam Kundu chu inhawi taka inkhawsa tirin, thilpek tha tak tak pe hlakin, foreign le a nuomma hmuna inzintirin, a sung le kuo hmai hai sin a pek hlak bawk a nih. Rose valley backbond (a sukngirtu tak) chu an hriet suok hunah,

iangkim a fel an ring thu CBI chun an hril. CBI chun Rose valley in politician le ministers inzawmpui a nei hai hriet an tum bawk a. Bandopadhyay le Paul hai khawm chu chuong politician Rose valley le inzawma nei hai thau sawrtu ni dinga an ring thu an hril bawk. Bandopadhyay a nuhmei West Bengal a MLA ni lai mek khawm chu inrawlna a nei le nei naw CBI in suizuina an nei mek bawk.

Term 4 zet MP lo ni tah le Union minister Bandopadhyay chu TMC ah high-profile leader ani a, tuta scam case le inzawma man hai laia a 5-na ani tah. Nilaini khan Bandopadhyay chu Special CBI Court hmaa inlangtir ani a, ni 6 sung CBI custody a la um hri dinga rel a nih.

Ni 2 sung aw ding Assam Biotech Conclave

GUWAHATI: Ni 2 sung aw dinga buotsai Assam Biotech Conclave chu zani zingkar khan Guwahati a tan a nih. Chief Minister Sarbanand Sonowal in conclave hawngna a nei a, Science and Technology minister Keshab Mahanta khawmin a uop ve. Assam a biotechnology sector sukhsawanna dinga conclave chu

huoihawt a nih. Assam Biotech Conclave chu Biotech Park le industry body FINER hai thanguoala an buotsai niin, rorelna hun hmang ninga a ta, stakeholders hai le partner nei dan chungthu ngaituo ding niin. Guwahati Biotech Park in chawno le facilities chihran hran anei hai pholang ning a nih.

Conclave hawngna huna chun Assam Biotechnology tlangzarna nei ani a. MoU chihran hran conclave a chun sigma nei ning a ta, conclave thawna san tak chu rorelna hran hran- industry academia session, technical, sericulture session le biotechnology le inzawma thu pawimaw tak tak ngaituona nei hai an nih.

Karnataka le Uttarakhand khaw inthal le tuilien thanguina ding

NEW DELHI: Sawrkar thlungpui chun National Disaster Relief Fund huoi-hai zani zingkar Karnataka a khaw inthal thanguina dingin Rs. 1,782 crore le Uttarakhand sawrkar kuomah tuilien thil a suksiet hai siemthamna le sawmndawna thila hmang dingin Rs. 209 crores pek dingin a remtih. Zanita

Home Minister Rajnath Singh inrawinaa New Delhi hmuna High Level Committee meeting nei huna a hmuna thil umdan enfeltu Inter-Ministerial Central Team (IMCT) in report an pek hai tha taka enfel a ni hnung-a hi thil hi remti a nih. High level meeting a hin NITI Aayog vice

Chairman Arvind Panagariya; Home Secretary Rajiv Mehrishi hai bakah Ministry of Home Affairs, Finance le Agriculture tienga senior official hai khawm an thang. Karnataka sawrkar chun khaw inthal thanguina dingin sawrkar thlungpui kuomah Rs. 4,702 crore pek dingin an ngen a nih.

UP CM Yadav in party thuoitu hai inrawnpu; BSP in candidate 100 hming an puong tah

LUCKNOW: Election Commission in state 5 haia Assembly election neina hun ding a puonga inthawk, state tum tuma political party hran hran hai chu nasatakin an inbuotsai mek a. Ruling le opposition hai khawmin tling ngei tumning thang an lak tawl mek bawk. Assembly election neina ding hai laia thang Uttar Pradesh a khawm inbuotsaina ngawr takin an fepui mek a. UP Chief Minister Akhilesh Yadav chun zanikhan a rawihai in-pawlpui a nei. Inpawlpui-na a nei hai lai MPs, MLAs, MLCs le thuoitu hran hran hai thangin, a chengna In-a inpawlpui a chu a nei a nih.



an party hmalakna ding hai an hril thang. Uttar Pradesh politics ngirhmun inlumlet dan enin, opposition le minaran tam tak hmur chuong an ni thu hai le, hrat taka hmalakna fepui dan ding hai hrilin, rorelna khawl chel nawk ngei dingin an inbuotsai a nih. CM in meeting a ko hma metin, Yadav in an party a inthawka a ban Shivpal le Mulayam Singh Yadav hai khawm Lucknow ah inpawl tlangna an

UN chief Antonio Guterres in US President-elect Donald Trump a bieik

WASHINGTON: United Nations Secretary General thar Antonio Guterres in US President-elect Donald Trump inbiekpuina a nei. Portuguese Prime Minister hlui le UN refugee Chief Antonio Guterres chu ni 5 sung cham dinga US inzin ding niin, Trump chu phone hmangin an biekpui a nih. Donald Trump chun January

20 hin US President 45-na dingin office zawm tan a th. UN Spokesperson Farhan Haq chun, UN Secretary General le US President thar hai inbiekna chu a bul tanna chau ani thu hrilin, US le UN inlaichinna thu tam tak an la hril thang pei ding thu a hril. Donald Trump in US President dinga sesamna a nei huna thang a tum thu Guterres chun a hril a. Trump chun khawvela rambung tum thlang khawm 193 umna members hai laia iengkhawm ani naw thu hrilin, Israel le US inzawma chungthu hrilna UN Security Council vote a United States inhuomtir loa a um chu pawl a ti thu a hril. Guterres chun New

EVANGELICAL COLLEGE OF THEOLOGY Nehru Marg, Rengkai Churachandpur, Manipur ADMISSION NOTICE Applications are invited from born again, dedicated young men and women for the following courses

Office of the CHURACHANDPUR JOINT WOMEN ORGANISATION Vengnuam, Teddim Road, Churachandpur CONDEMNATION

The Churachandpur Joint Women Organisation condemned the gruesome murdered of Siemneihkim (35) d/o (L) Pl Lunkhokam of Kolasib, Mizoram who come to collect her belongings from Gangpimual Village and met her fate on the 1st January, 2017.

Lirhningin In 156 sukchim; Rs. 95,000 thanguina pek ding

AGARTALA: January 3 zantienga Tripura a 5.7 magnitude a hrat lirhningin thil a suksiet hai enfiena chieng taka nei ani hnungin, mihriem chengna In 156 hai chu sukchim. In dang 1,156 hai chu hmehem takin a suksiet ti hmu-suok a nih. Chief Minister Manik Sarkar le Revenue Minister Badal Chowdhury haiin lirhning tuortu hai chu kanna nein, thanguina pek an ni ding thu an hril. 2017 a lirhning tung

RBI Gate-ah a sil le bilhai a hlip

NEW DELHI: Nupui pakhat, naute pawmlai nei chu January 4, 2017 khan RBI Regional Office, New Delhi-ah a pawisa hlui hai va theng tumin a fe a, sienkhawm ngaisak a ninaw lei le Gate hawng pek a ninaw lein RBI Gate-ah an thung a, RBI guard han tharum hmanga hnawth-

Ni 3 cham dingin Kenya President

NEW DELHI: Kenya president Uhuru Kenyatta chu ni 3 sung cham dingin January 10 hin India-ah hung inzin a tih. Nov. 11 in PM Narendra Modi leh New Delhi ah official talks nei an ta, President Pranab Mukherjee le khawm inbiekna an nei ding nia hril a nih. India-a a cham sungin, President Kenyatta chu business forum January 12 a nei dingah a thang ring ani a. January 10 a Vibrant Gujarat Global Summit, Gandhinagar a neina a thangin business session a khawm a thang ding niin External affairs Ministry thusuok chun a hril.

Rs. 43 lakh le mi 3 man

JAIPUR: Jaipur, Rajasthan-ah zanikhan tax peklo pawisa Rs. 43 lakh le mi 3 man an nih. Mana um hai chu Dauram Jat, Peeraram Jat le Bhagchand Jat hai an nih. Police haiin an motor sukchawla an dapna a pawisa hai chu an man a nih.

York a UN staff hai inbiekpuina nein, khawvel rambung thenkhatah United Nations pawm lo na le ringhlana a um thu a hril a.

UN le US inlaichinna hma a sawn pei ding niin anlang a UN chief le US President inlaichinna lein Khawvela inrenna le muongna a hung rasuok pei beisei ani bawk a nih.

MO LAWM FIELNA Pathien in rem a ti chun hung tung ding tarik ni 6th January, 2017 zing dar 11:30 AM hin kan naupa Tv. Joyful Zawlthanglien Khawzawl le Nk Angela Lamngaiting, d/o H Paukholam, Hmarveng hai chu Robert's Jubilee Chapel, Independent Church of India, Sielmat ah kohran dan thienghlim in kut insuina an nei ding a ni a, hi hunser a thang a mi hung uop dingin ngainatak in kan hung fiel cheu. Chum mimal fiela na hran a siem a ni naw lein hi fiela hi mimal fiela ang a mi lo pawm pek dingin kan hung ngen bawk cheu a nih.

MOLAWM DINGA FIELNA Pathienin rem a ti chun hung tung ding January 6, 2017 (Zirtawpni) 11:30AM hin kan naupa Tv. James Zolien-sang Joute of Rengkai le Nk. Lynda Singthangpui, d/o (L) Dr Lalchuoilo Tusing, Thailane, Rengkai hai chu Kohran Dan in Rengkai ICI Biek in ah an innei ding a nia, an inneina mi hung uop ding le lawma program J.J. Plaza, Rengkai Road-ah mi hung hmangpui dingin ngaina takin kan fiel cheu.

LUNGDAW FIELNA Hung tung ding date 07-01-2017 Inrinni zingkar 8:30AM hin Upa Thankhum of Lamlanghupi, Bishnupur-ah kan pa kan ngai em hrietzingna lungaw hawngna kan nei ding a na. Hi huna mi hung uopa hung thang seng dingin ngaina takin kan hung fiel cheu. Mimal fiela siem a ninaw lein hi fiela hi mimal fiela ang a mi lo ngai pek dingin kan hung ngen cheu.

ENGLISH GRAMMAR THIEM NUOMHAI TA DINGIN (70 Days' English Grammar Course in Hmar) Tulaia inchuklaiha'n harsatna an tuok lien tak chu Sa'tawng an thiemtawnawna hi a nih a. A san lien tak nia inlang chu English Grammar an thiemtawnaw lei a nih. English Grammar hi Class V-a inthawka inchuk tan ni si, an thiem nawt lat hi a san a um a: Hmar tawnga hrilfienna an dawng naw lei a nih. Chuleichun, Hmar tawnga English Grammar inchukna, Batch 2 (Pawl 7 & 8 le, Pawl 9 & 10) hai ta dingin January 10-a inthawk khin 70 Days' English Grammar Course in Hmar, Ruoiel Pangamte Compound, Rengkai Road, Rengkai-ah tan a ni ding a nih. A ngaiven nuomhai ta dingin - Dates for registration: January 04 - January 09, 2017

CHILDREN'S RETREAT CHURACHANDPUR 2017 JANUARY 9 - 13, 2017 HSA CAMPUS, RENGKAI Transportation will be provided from Sielmat, Khawmawi, Saidan, Saikot & Muolbem PROGRAM WILL BE IN ENGLISH FOR MORE INFORMATION CALL +91 7627918932

LOSS OF ORIGINAL PATTA Original Land Patta bearing No. 130/865 Jama-bandi, registered in the name of Mr (L) J Ralhneth-lien, s/o (L) Neisung was lost in between Saikawt and Nehru Marg, CCPur on January 16, 2016. Finders are requested to handover the same to the undersigned.

Bank intlarna a thi GUWAHATI: State Bank of India Dabaka branch-a inlar putar pakhat chu a tlu a, a hmuna a thi ngal. Bank-a thi chu Abdul Maliq ani a, mihriem an tam taluo lein a hriseina tlin baka sawt an tlar leia tlu nia hril a nih. A account a pawisa lasuok dingin nikhat tling vang Bank-ah an tlar nia hril ani bawk. Maliq chu Sabujpur khuo a um a nih. A ruong post-mortem thaw zovin a sungai peksuok a nih.

Aamir Khan-in Khaw Inthah Sukbo Tum

MUMBAI: Bollywood actor lungril tha Akshay Kumar le Nana Patekar hai chun India sipaihai thangpuina ding pawisa thawin real life hero tak tak an nizie an suklang a. Chuong ang bawkin Aamir Khan khawmin film chau ni lovin a tak taka hero a nina suklangin kum 5 sungin Maharashtra rama khaw inthah (drought) sukbo tumin hma a lak mek. Khaw inthah sukbona dinga Watershed management le water conservation tieng inelna pakhat "Satyamev Jayate Water Cup 2015" (April 8 to May 22, 2017) result puongna hunah, Maharashtra state a khaw inthah leia losin-thawtuha harstana sukking vawng dinga hma a lak ding thu a hril a nih.

Aamir Khan le a nuhmei Kiran Rao-in TV Show "Satyamev Jayate" le "Paani Foundation" (Water Foundation) siemin an indin a. Sawrkarin khaw inthah vengna dinga a hmalakna thlawpna "Water Cup" competition, watershed management le water conservation tieng inelna an siem a. A thaw tha tak khuo pakhatna, pahina le pathumna Rs.50 lakh, Rs.30 lakh le Rs.20 lakh an pek a nih.

Chief Minister Devendra Fadnavis-in khaw inthah (drought) sukbona dinga a hmalakna chu tha tipuini, Aamir Khan chun, "Kum nga



sunga Maharashtra-a khaw inthah sukbo hi kan thiltum a nih a. Chief Minister-in hi kawnga nasa taka hma a hung lakna hi ropui kan tih a, a political thiltum hi tha kan ti hle a nih" tiin a hril.

A hril peinaa chun, "Water Cup competition round khatnaa chun district pathum chau ah sin thaw a nih a. Round hnina ah chuh, kan thil inchuk dawkhai hmanng tangkai pein district 30 haia thaw ni tang a tih" tiin a hril.

Britney Spear-in Ngaizawng Thar Nei



LOS ANGELES: "Baby One More Time" (1999) le "Oops...I Did It Again" (2000) le hla dang dang leia inlar, hlasakthiem le lam thiem el bakah ama hun laia leirawl hlasakthiem hmelta tak le a album zawr suok rawn taka hril Britney Spears chun inzuipui (ngaizawng) dang a nei nawk tah.

A hming chu Sam Asghari a nih a. Britney Spears

a latest single video ah hla pakhat "Slumber Party" ti hla a sakpui pa kha a nih. Sam Asghari hi mi mei mei chu a ni nawh. Model hlui niin body builder a nih bawka, Royal Personal Training-a trainer a nih. Taksa fitness ngaisang mi a nih a, ngaisangak chu Dwayne "The Rock" Johnson a nih bawka. "Slumber Party" chau naw khawm, Fifth Harmony hai music video "Work

From Home (2016) ah khawm a thang bawk. Model a ni angin advertisement nal tak takhai magazine inlar tak takah a lo thang ta bawka. Kum 2016 kha a chanchin hriet rak a ni nawa chu 2017 a inthawku Britney Spears leh an lo inkawp zing ti thu Spears-in an chanchin social media-a a hung tarlang a inthawkin hriet a nih.

Ni kum kha Greek mi sumdawngtu pakhat leh an inzuai a, an chanchin Twitter ah a hung suklang a. A re nawk wang vawng a, tuhni mi thar Sam leh an chanchin a hung pholang nawk tah a nih. Hmeltha le hausa ni bawk, dit dit nei nei a ni lein mi thar a nei pei khawm hi thil sam naw chuh an nawh. Sam leh hin ieng chen am an inzuai ding ti ruok chu hunin la hril a tih.

Stallone-in Film Thar A Siem Ding



LOS ANGELES: President Donald Trump-in National Endowment for the Arts lutak nia White House ah sin pek a tum a dit naw laini Sylvester "Rambo" Stallone chun film thar changa ama bawkin direct dingin thutiem a siem niin *The Deadline* chun a ziek.

Tuta a film thar chang ding hi 2015 best seller "*Tough as They Come*" ti lekhabu, Afghanistan le Iraq a inthawka hima hung suok sipai 5 hai laia pakhat, a re pahnia tan US Army Staff Sergeant Travis Mills ziek military drama (thusim) a nih a. Sergeant

Mills lem hi Adam Driver-in chang a ta, Stallone-in Mills a tarpua, a damnaw inenkawl sung po poa thangpuitu lem a chang ding a nih.

Sergeant Mills lem changuo Adam Driver hi Marine Corps mortarmen hlui a nih a. Film dang, 69th Cannes Film Festival ah khawm pholang le nominated lo nih tah "Paterson" khawm hnesaw taka lo chang tah a nih. Tuta film-a hin Afghanistan le Iraq a helpawhai an bei lai, kum 25 a tling hmaa IED bomb puokah hlienna tuok chanchin a nih.

Isha Talwar, Salman Khan leh "Tubelight"



MUMBAI: Tulai hin Bollywood chun nungkhah hmeltha le pieng nal thar pholangna kawngah nasatakin hma a lakin a sawn a. Actor hlui le senior hai khawm director le producer niin mi thar thar an pholang pei a. Salman Khan a film thar ding "Tubelight" ah khawm hmel thar, Isha Talwar a hung inlang ding a nih.

Isha Talwar hi Malayalam movie "Crossroads" le a dang dang, abikin Bharathanatyam dancer anga lo chang ta hlak a nih a. Hindi cinema khawm Saif Ali Khan leh an lo chang kawp ta bawk.

"Tubelight" hi chuh 1962 Indo-Sino war hun laia thusim a nih a, Mumbai le Manali haiah shooting thaw

ning a tih. A film hi Kabir Khan-in direct a tih. Isha Talwar chun role thar pek a nina thuah, "Kabir Khan film hai hi ka ngaisang em em a. Pakhatna bek chang ve thei lang ka tih hlak a. Tuhin chance ka nei hi ka lawm em em a nih" tiin a hril.

Isha hin "Crossroads" ah Bharathanatyam dancer (Maya) lem a chang lein lam an chuk nasa hle a. Kathak dancer a ni lein Bharathanatyam hang inchuk nawk chu a thang hle a ngai a. Amiruokchu, a zirtutu that lein a thiem tah a. Film shooting dingin an pei tah niin a hril a. "Salman Khan leh hang chang kawp ding chu ka phur ta hle a nih" tiin a hril.

DiCaprio-in \$23 Million Man In



LOS ANGELES: Film chang bakah sumdawng khawm thiem "Titanic" star Leonardo DiCaprio chun Malibu beach, California laia inhumun acre 1.8 chauh, thil ieng taluo um lo chu USD 23 million zetin an chawk. Hi in hote hi Pacific Coast Highway, celebrity han in ropui tak tak an neina kawla laia um a nih.

Leonardo inhawkin inhumun hi Manhattan apartment pakhat ruol ang vel ding chauh one-bedroom, cliff-side bungalow, huon nei a nih a. Highway a inthawk chun thingkung le hlobul haiin an thup a, tuipui kam tieng kho insang nuom nuoma fe thei nawna ding khobak hai dam umna a nih a, a lampui khawm nam zul le tha taka siem nih lo lungte lam a nih a. An chawkna ding san awm hriet an tak hle tiin property dealer thenkhat chun an hril.

Amiruokchu, kum 42-a upa DiCaprio'n an chawkna pa hi tu mi dang nih lovin President Donald Trump-in a Army secretary dinga a ruot thar, billionaire property dealer Vincent Viola a nih a. Vincent hin 2006 khan English film director Ridley Scott a inthawkin \$11 million-a an chawk a nih a. DiCaprio hin \$23 million neka tama zawr thei an beisei leia an chawk ni dinga ring a nih.

Real estate sumdawngna hi President Donald Trump hausakna bul a nih a, a company Trump International khawm hi real estate tieng sumdawng a nih a. Leonardo DiCaprio khawmin Donald Trump hai sumdawngna zuia real estate tieng a sum peipung a tum ve niin Property Listing chun a hril.

Angelina Jolie-in Privacy Siem Tiem

LOS ANGELES: Nupa buoi ta laklaw court lut tah chu buoina ding neu neu a um nawk pei el a nih. Angelina Jolie le a pasal Brad Pitt khawm an nauhai enkawl dan ding thuah inremna an siema chu buoina thar a suok nawk pei. An nauhai chanchin privacy neia thup ding ti a nih laiin, Angelina-in naupanghai chanchin a pholang nasa taluo tia Brad Pitt hekna lein Angelina chun hrilfena thar a siem.



Thu tiem a siem lai zingim, thil tha naw thaw tum renga an nauhai chanchin pholang a nih naw thar leh a pasal hlui Brad chu "thil umdan indiktak" min an hriet an lau leia thubuoit thar siemah an tum. Angelina Jolie ukil Laura Wasser chun, "Brad Pitt hin ama thutiem vek khawm bawsein an nauhai ta dinga ditum lo tak inpholangna thalo an tlun phla le a nih" tiin a hril.

Hi thu hi Dec.21 nia Brad Pitt-in an nauhai Maddox (15), Pax (13), Zahara (11), Shiloh (10) le kum 8-a upa inphir Knox le Vivienne hai custody Jolie kuta um privacy a maintain tawk naw lein court-in kharpek rawse tia a ngenna court-in a hnawl hnunga Jolie in court docu-

ment thara a hril nawk a nih. "Federal Bureau of Investigation (FBI) le Dept. of Children and Family Services han thil umdan ching tak an suia, a khawsak dan an hrieta inthawk kha an chanchin po po khar khum vawng Brad Pitt hin a nuom a. Amiruokchu, media hai kuoma thu leak lo ding ti thuah khawm ama ngei khawmin thutiem a bawsiet a nih" tiin Angelina chun a hril bawk.

Brad Pitt chun an nupa kar thubuoit le inzawma inremna thu po po chu thup tlai ding court a ngen a, court-in a hnawl pek a. Angelina chun an inremna thua thuruk vawngim zo lo ah an

chun le secre- Thakur le lo peitla ta thil tamtak umin an thung le ICC le BCCI-a chief lo nita hlak N Srinivasan chun hung inlang nawkin Inrinni khin Bangalore-ah meeting inrawi a tih. Indian Express in a hril dan chun 'ICC le BCCI chief hlui hin thuneina le mi keibum theina tha tak a la nei lein meetinga a hin cricket sungkuoa nina insang tak tak nei; Tamil Nadu Cricket Association (TNCA)-a secretary Kasi Viswanathan le Karnataka an thaw Brijesh Patel hai khawm an thang beisei an nih. Thu buoi tamtak siem leia peitlak nisien khawm N Srinivasan hi a fit zie hmuthiein a um.' Lodha reform lei kha BCCI sunga buina nameno a suoka, January 19 khin an (BCCI) sunga insiemremna nei ding ti ania, amiruokchu Lodha reforms ang taka intlak danglamna nei ding ania chun BCCI constitution tamtak siemtha la ngai ding a nih. Hilaizing hin intlakdanglam nuomlo state 17 zet aum dinga ngai a nih.

confidentiality le privacy kengkaw dinga an inremna dan a kengkaw nawh ti a nih. An nauha Maddox le Brad Pitt insel buoi a inthawk September 19, 2016 kha Jolie chun inthana ding thu a file a. Court thurel dungzuia inthah the an nih.

Sports:

COPA DEL REY THLIRLETNA

Copa Del Rey-ah James Rodriguez Goal 2 hmangin Real Madrid chun Sevilla an sawp

Real Madrid chun kumthar 2017 chu hlawtlingna le himna insang takin bul an t an. Copa Del Rey Round of 16 zanhinnaah Club World Cup Champion zo chau Real Madrid chun an khelmuolah La Liga Club tho Sevilla an mikhual a, James Rodriguez Goal 2 le Raphael Varane goal khat hmangin awlsam takin Leg 1 chu an khel zo ta a nih. Hi zan hin Real Madrid thiempuipa C Ronaldo chu a thang ve nawh.



Half hnung khawm chun mikhual team Sevilla an che tha thei chuong naw a, an sipur goal 3 tawp chu hun tawp chenhah sut ngaina a um ta naw lein Leg 1 ah an muolpho ta a nih. Leg 2-ah Sevilla khelmuola khel ding an ni a, anachu away goal an nei naw lein home ground ni sien khawm an fimkhur hle ngai a tih.

Vavisunni chen hin inelna po povah Real Madrid le Sevilla hai hi wavi 37 an lo inhmason tah a, chu

laia 23a chun Real Madrid an hrat a, wavi 13 Sevilla hrat lemin wawikhat an inang tawk tah bawk. Tuhin Real Madrid hi La Ligaah pakhatna an ni mek a, Sevilla khawm pathumna an ni mek bawk.

Match dangah Real Sociedad khawma Villareal hai awlsam takin 3-1 in an hne bawk. Hi match a hin muolneitu Sociedad chun minute 17 naah William Jose hmangin goal an thun hmasa a, chu zo sawntawte

minute 33 naah Carlos Vela hmangin goal dang an thuna nawk a. Half chenhah 2-0 a inhnetawkin an chawl a.

Chu hnung minute 73 naah Mikel Oiarzabel chun Sociedad ta dingin goal dang a thun nawk a, hun tawp chena 3-0 a an hrat ta lem ding anga an lang hnungin Villareal tieng chun minute 77 naah Manuel Trigueros hmangin Consolation goal pakhat an thuna chu an ta dingin an hnu zo vawng ta lein mikhual team chu goal hni batin an inlawi ta a nih.

Match dangah Alcorcon le Cordoba chun hrat lem tumin theitawpin an innawrtuo a, anachu goal thun thei bik um lovin 0-0 in an inhnetawki a, Leg 2-a dingin beiseina nei ve ve in an inthe a nih. Hi Match a hin khingtieng khingtiengin Yellow Card pakhat ve ve an hmu a, thildang chu hril taluo ding a um nawh.

Leander Paesin Chawl la tum lo

Chennai Open fe meka chun Leander Paes le a kawppui Brazil mi Andre Sa hai chun an game wawikhatnaa dingin an khingpui Purav Raja le Divij Sharan hai hnezo ta nawh. Vuokdawk anni le inruolin Chennai Open-a an khel tawp na tak ani el ta dim, tia zawna a dawna-a chun 'nasa nawk zuol le hrat nawk zuolin la khel pei kata, huoesin tak le nasa taka kan hnel chun trophy la dawm nawk ngei ka tih. Tennis ka chawlsan ding hi wawisun annawleh zinga, anawle thla ruk hnunga, anawle hun tamtak hnunga ding a ni thei. Zuk chawlsan el dinga thuwongva um hi hrietsuol thenkhat a um ning a tih. Tennis inhnal hi inhawi ka tia, kan hnikin



lan hnel zawmpei bawka tih. Ka ta ding chun hlmtak le lawmtak puma inchnukna tieng kira, tha tak le tuor-sel taka inchnuk nawk hi a nih,' tiin a hril. Paes hin a 111th team mate le hin beisei angin a bul tha naw hai sienkhawm lung hnu-olna nei loin Gran Slam-ah nopui dawm ngei dingin a ruolpa hi suk phur pei a tum a nih. Paes hi Chennai Open a ding chun player hlawtling tak niin wawuruk lai Nopui a lo dawm ta a nih.

Zlatan Ibrahimovic-PFA Fans Player of the Month December 2016

Manchester United striker Zlatan Ibrahimovic chun PFA Fans' Player of the Month Award hlu tak chu a dawng. Hi lawmman a dawng theina ding hin Adam Lallana le Cesar Azpilicueta hai a khum a nih.

Hi lawmman dawng theina ding hin mi 64,000 deuthawin vote an thlak a, chu chu Sky Sports Website-a an thlak a nih. Hi Vote dungzui hin Ibrahimovic chun vote hmu rawn takin vote 24,092 a hmu a, a pahniaa chun Liverpool player Adam Lallana niin ama hin vote 17,935 a hmu a a pathumna chu Chelsea Defender Azpilicueta

niin vote 11,944 a hmu ve thung.

Hienghai hnuoi chara hin Tottenham player Dele Alli, Sunderland Goalkeeper Jordan Pickford bakah West Ham player Dimitri Payet hai an nih.

Ibrahimovic hin December thla ringawt kha match 7-ah goal paruk a thun a, ama neka thaw tha lem an um nawh. Ibrahimovic chun, 'Ruoltha tam takin ditsakna an min hlan bakah kei ngei khawm field sunga ka tha le zung hmangin kan khel a, hieng chen hi ka tlung a nih. Ka lawm dan ka hril seng nawh,' tiin a lawmthu a hril.

ENGLISH PREMIER LEAGUE REVIEW

Midfielder inthangduong mek Dele Alli hmangin Tottenham chun Leader Chelsea an sawp

English Premier League match 20-na tawpna tak Nilai zan kha Title Contender Tottenham chun Leader ni mek Chelsea an lo mikhual a, tulaia Midfielder che tha mek Dele Alli goal 2 hmangin Tottenham chun Chelsea chun 2-0 tawpin an lo inlawm a nih. Chelsea ta dinga a zawna wavi 14 hrat theina chu hi zan hin a lo tawp ta bawka a nih. Alli goal pahni, Christian Eriksen a assist ve ve hmang hin Chelsea chu an muolpho ler der a nih.

Antonio Conte le a rawihai - Chelsea chu kum 2002 kuma Arsenal hai a

zawna wavi 13 an hrat lem kha lekkel ngei tuma hma an lakna chu a thlawm el an chang an tah. Tuhin Liverpool neka point 5-a insang lemin League Table-ah hma an thuoit mek.

Tottenham hai ruok chu Chelsea hne hai sien khawm point 7 tawpin an la hnawt phak naw a, Manchester City le point inangin pathumna an ni mek. Kum 20 ni mek, Dele Alli in tuhni game pathum an zawmin goal a thun ta a, Tottenham ta ding chun a zawna wavi 5 an hratna a ni bawk.

Tuta an hrat lem hi Tot-



tenham ta ding chun phuba lakna hnai tak a nih. Asan-chu November thla kha 2-1 in an lo hrat ta naw a, chun May thla kha 2-2 in an lo in-ang tawk ta bawk. Tuta Leader Chelsea an hne lei hin an ta ding chun hma-

bakah beiseina insang tak a pek a nih. Hi game hi an inhnetawki hle a, ball possession khawm an zat deu thaw niin Tottenham tiengin Yellow Card wawithum an hmu a, Chelsea tiengin wawihni an hmu bawk.

Mahendra Singh Dhoni: ODI le T20I captain anthawkin inban

India captain MS Dhoni in captain a ninaa inthawk an ban le inruolin Bord of Control for Cricket in India (BCCI) chun mipui hriet dingin thusuok a siem ngah. Hi thusuok hi Dhoni in BCCI hai kuomah India team ta dinga One day International le T20 International formats-a captain sin anthaw an ban nuom thu an thlun le inruola an siem a nih. Captain anthawkin inban sien khawm Dhoni hi hung tung ding India le England One Day le T20 series an inkhelna ding le inzawm khin salection huna hung lang veng a tih. Dhoni hi kum 2014 kha Melbourne-ah Australia le inkhel tum kha captain nina lo inbanta bawka a nih. Ama thuoina hnuoia hin wavi 199 One-day International inkhelin, chu hai lai wavi 110 hratna changin wavi 74 an tlawm a nih.



Chu baka T20 International-ah wavi 72 inkhelin, wavi 41 hratna changin wavi 28 an tlawm bawka a nih. BCCI Chief Executive Officer (CEO) Rahul Johri chun in India ta ding a thil thawthat hai lein Dhoni kuomah lawmthu a hrilin, ama thuoina hnuoia India in inchniktak tamtak a nei hai hi India cricket chun theinhi ni reng nei naw nih, tiin ditsakna an hlan. India Cricket player inlar hlui Sunil Gavaskar khawmin MS Dhoni in cricket maksan loa, a captain nina chau amaksan chu a lawmpui thu a hril. A hril peina-a chun 'MS Dhoni hin player nina a tawpsan nisien chu a in tuola dharna va neiin, hungkir nawk dingin va ko ka tih. Ama hi over pakhat chau khawmin game a tlak danglam theia, India hin ama ang player hi a pawimaw hle a nih. Player pangai anga um ala tum hi ka lawm hle a nih,' tiin a hril. National selection committee-a chairman MSK Prasad khawmin MS Dhoni in captain nina a tawpsan chu a hun taka a tawpsan ani tiin a lawmpui thu a hril. A hril peinaa chun 'kum khat annawleh thlaruka inhmam tawpsan nisien chu ka lung suk hnuol heng a tih. Amiruokchu a hun taka a tawpsan lei hin kan pak hle a nih,' tiin a hril. MS Dhoni captaina hnuoi-ah hin India in 2007 kha ICC T20 World Cup anlo laka, 2013 kha ICC Champion Trophy la nawkin kum 2009 kha Test rankinga an sangtak nina an hluo bawka a nih.